

有是舌相豈當妄語汝等大衆皆應信受長夜安樂說是法時衆中八萬四千菩薩得無

生法忍無量百千衆生得遠塵離垢法眼淨無量無邊衆生發阿耨多羅三藐三菩提心

延聖院比丘 清端書

勝天王般若波羅蜜經卷第二 羽二

嬰兒

上益反下汝者反此云一切智

清冷

下音霑

濡下

而朱反湿也

寐

一也

得覺

教音

鈍根

上徒固反愚

奢摩他

此云止息

婆舍那

此云種觀

腥臊

上徒固反

慳

下音

阿蘭若

下汝者反此云寂靜處

謂

亦齊魯間圓

荼

上音周

輕鄙

下碑美反

犁軛

領曲木也

與洗

上音貫或作與

童稚

下直彎

勒

上音挫馬

量

忖

下反

三摩跋提

此謂正在定中

磧沙延聖院比丘

行廉

情言施財刊雕

大歲勝天王般若波羅蜜經板第二卷所集

功德普益四恩遍資三有法界有情同開

佛華光底架乘取爾魔障無侵來報之中二嚴俱備者

咸淳七年三月 日暮緣比丘

勝天王般若波羅蜜經卷第三 羽三

陳優禪尼國王子月婆首那譯

勝天王般若波羅蜜經法性品第五

余時勝天王即從座起偏袒右肩右膝着地合掌向佛頭面作禮而白佛言希有世尊如

來應供正遍知使說微妙大神通力諸佛如

來因何得此唯願世尊分別解說佛告勝天

王言大王諸佛如來所行甚深不可思議得果亦尔勝天王白佛言世尊諸佛如來行何

等法名爲甚深不可思議佛告勝天王言大王諸佛如來法性因果不可思議功德及法

利益衆生亦復如是勝天王白佛言世尊云

何法性不可思議佛言大王在諸衆生陰界入中無始相續所不能染法性體淨一切心識不能緣起諸餘覺觀不能分別邪念思惟

亦不能緣法離邪念無明不起是故不從十二緣生名爲無相則非作法無生無滅無邊無盡自相常住大王菩薩摩訶薩行般若波

羅蜜能知法性清淨如是無染無著遠離垢
穢從諸煩惱超得解脫此性即是諸佛法本
功德智慧因之而生體性明淨不可思議大
王我今喻說汝善諦聽王言世尊唯願聞
佛告勝天王譬如無價如意寶珠莊嚴瑩淨
皎潔可愛體圓極淨無有玷污墮在淤泥已

經多時有人檢得取而守護不令墮落法性
亦余雖在煩惱不爲所染後復顯現大王諸
佛如來悉知衆生自性清淨客塵煩惱之所
覆蔽不入自性是故菩薩摩訶薩行般若波
羅蜜應作是念我當勇猛勤修精進爲諸衆
生說是甚深般若波羅蜜除其煩惱一切衆
生皆有性淨是故於彼勿生下劣應當尊重
彼即我師如法恭敬菩薩摩訶薩作如是心
即生般若闍那大悲大王菩薩摩訶薩如是
行般若波羅蜜能入阿鞞跋致地大王菩薩
摩訶薩行般若波羅蜜復作是念此諸煩惱
無力無能自體虛妄與淨相違何以故背薩

婆若故清淨法性爲諸法本自性無本虛妄
煩惱皆從邪念顛倒而生大王譬如四大依
虛空立空更無依煩惱亦余依此法性法性
無依大王菩薩摩訶薩行般若波羅蜜如實
觀知不起違逆以隨順故煩惱不生大王菩
薩摩訶薩觀察煩惱不生染着若自染着云
勝天王二

何說法令他出離是故菩薩斷滅著心如實
說教解衆生縛菩薩摩訶薩行般若波羅蜜
復作是念若生死中有一煩惱利益衆生我
則攝受菩薩摩訶薩行般若波羅蜜復作是
念如昔諸佛行般若波羅蜜應如是行何以
故諸佛如來昔在因地亦如是學成菩提故
以此二緣是故菩薩種種方便知此法性大
王如是法性無量無邊爲諸煩惱之所隱覆
隨生死流沉沒六道長夜輪轉隨衆生故名
衆生性菩薩摩訶薩行般若波羅蜜起厭離
心除五塵欲修無上道是時此性名爲出離
過一切苦故名寂靜爲究竟法一切世間之

所樂求一切種智常住微妙因此法性能得自在受法王位大王菩薩摩訶薩行般若波羅蜜初中上位觀察法性一切平等本來寂靜悉無罣礙猶如衆色不能滿空菩薩摩訶薩行般若波羅蜜如實而知諸佛所說一切衆行如量修行法性功德不可具說無有二

相過一異境平等一切覺觀不行菩薩摩訶薩如是行般若波羅蜜能除二相人相法相一切凡夫爲執所縛不識不見不得法性菩薩摩訶薩行般若波羅蜜則能通達如此法性若在衆生無二無別何以故如如不異故大王菩薩摩訶薩行般若波羅蜜依此法性

修諸善根來入三有利益衆生雖現無常而非真實何以故菩薩摩訶薩行般若波羅蜜如實見法性故具足方便大悲願力不捨衆生二乘凡夫無有如此大悲本願是故不見圓淨法性大王菩薩摩訶薩行般若波羅蜜如是觀法性一切聖人無能修者無所修法

羽體文字三三

無能行者無所行法無心無心法無業無果報無苦無樂如是觀者名得平等不異遠離隨順廣大無我我所無高無下真實無盡常住明淨何以故一切聖法由此成就因是性故顯現聖人大王諸佛如來無邊功德不共之法從此性生由是性出大王一切聖人戒定慧品從此性生諸佛菩薩般若波羅蜜從此性出是性寂靜過諸名相性是真實則離顛倒性不變異故稱爲如聖智境界名第一義非有非無非常非斷非生死非涅槃非染非淨離一離異無名無相大王菩薩摩訶薩行般若波羅蜜復作是念法性離相一切法離相無二無別何以故一切法離相即法性離相法性離相一切衆生離相同法界離相離相法界離相一切法離相如是離相求不可得法性如如衆生如如同一無二衆生如如法性如如同一無二法性如如一切法如如無二無別一切法如如諸佛如如無二無別法

性如如過去未來現在如如不相違逆過去
如如未來如如亦不相違過去未來現在如
如即是陰界入如如陰界入如如即是染淨
如如染淨如如即是生死涅槃如如生死涅
槃如如即是一切法如如大王所言如者名
爲不異無變不生無諍真實以無諍故說名

如如如實知見諸法不生諸法雖生如如不
動如如雖生一切諸法如如不生是名法身
清淨不變猶如虛空無等等一切三界無有一
法所能衆者遍衆生身無與似者清淨離
垢本來不染自性明淨自性不生自性不起
在心意識非心意識性即是空無相無願遍

勝天王三

虛空界諸衆生處一切平等無邊無量無異
不別非色不離色非受想行識不離受想行
識非地大水火風大不離地大水火風大無
生離生雖逆生死不順涅槃眼不能見耳不
能聞鼻不能饗舌不能嘗身不能覺意不能
知不在心意識不離心意識大王是名法性

菩薩摩訶薩行般若波羅蜜通達此法修行
清淨三千大千世界若閻浮提城邑聚落菩
薩悉能示現色身所現身者非色非相而現
色相非六根境而化衆生常無休息爲說此
身無常無我苦不淨法了知衆生有寂靜性
能爲示現無量種身善巧方便令彼受化知
一切身無有作者亦無受者猶如木石而爲
衆生說清淨行大王菩薩摩訶薩如是行般
若波羅蜜通達法性即得自在無有移動而能
起智業遊戲神通種種示現安住自在而能
示現種種威儀自在能趣一切種智皆悉通
達一切諸法大王般若波羅蜜如是自在是

無盡相遍一切處無色現色自在遍觀諸衆
生心見如實心心性自在憶念無邊數劫相
續不斷自在變化住解脫相自在盡漏爲衆
生故不證漏盡自在出世是聖智境自在甚
深聲聞緣覺所不能測自在堅牢魔不能壞
能至道場成就佛法最爲第一自在隨順轉

勝天王三

大法輪自在調化一切衆生自在受位得法自在大王菩薩摩訶薩行般若波羅蜜如實通達甚深法性得是自在菩薩摩訶薩修是自在即得諸禪解脫三昧三摩跋提不繫欲界色無色界何以故遠離一切虛妄分別煩惱繫縛顛倒執相若其受生於生自在無有繫縛若欲現滅亦復自在隨其生處恒攝大乘成就佛法而於十方推求佛法竟不可得一切諸法同一佛法非常非斷何以故推求此法不可得故以如實理求不可得是法不可說有說無說亦無名相過此境界若離名相即是平等若法平等即無執着無可着者是法真實若着真實即是虛妄以不着故即非虛妄無所滯着心即無礙無礙即無障無障即無諍無諍即同虛空是法不繫欲界不繫色界不繫無色界若一切處無所繫屬是法無色無相無形若法無色無相無形是法應如是知隨彼境界而離能知亦離所知何

以故是中無有少法可覺少法能覺是名菩薩摩訶薩行般若波羅蜜通達平等大王菩薩摩訶薩行般若波羅蜜觀大慈大悲大喜大捨不見我不見衆生不見命不見人雖行布施而調伏心離戒相心而淨持戒以無盡心修行忍辱離心精進以寂靜心修習禪定心無所緣修行般若心念四處以平等心修習正勤離戲論心修諸神足分別衆生觀察諸根離慾失心修諸根力以分別心觀察覺分無功用心修習正道心無所著而有淨信自然智慧憶念諸法平等智心修諸三昧分別心觀般若波羅蜜以止息心修奢摩他無所見心修毘婆舍那無所念心而修念佛通達法界平等之心而修念佛無所住心而修念佛本心清淨教化衆生不起分別法界之心攝一切法如虛空心淨佛國土無所得心得無生法忍無進退心得阿鞞跋致遠離相心不見有相三界平等心莊嚴道場心能

覺知一切諸法轉於法輪不見聽法示現涅槃而知生死本性平等大王菩薩摩訶薩行般若波羅蜜如是觀諸法不見能觀不見所觀即時能得遊戲自在何以故自在清淨能見一切衆生淨故大王譬如虛空遍滿一切菩薩摩訶薩行般若波羅蜜心亦如是說此

法時衆中八万四千人天發阿耨多羅三藐三菩提心三万二千菩薩得無生法忍八万四千衆生得遠塵離垢法眼淨一万二千比丘皆得漏盡佛告勝天王言大王菩薩摩訶薩行般若波羅蜜心得清淨深大如海功德智慧不可測量菩薩摩訶薩能現出世諸功德寶衆生用之乃至菩提無有盡竭菩薩功德亦復不減猶如大海多出衆寶菩薩智慧甚深難入聲聞緣覺無能涉者亦如大海小獸不入菩薩智慧廣大無邊何以故無着無住無色無相菩薩智慧從初至後次第轉深初菩提心後薩婆若菩薩法亦不與煩惱及

惡知識而共止住世間智慧若入菩薩智慧之中一相一味所謂無相薩婆若無分別味菩薩摩訶薩觀一切法不見法增不見法減何以故通達平等深法性故菩薩摩訶薩大慈悲力不違本願一切聖人之所依處為諸衆生永劫說法無有窮盡大王菩薩摩訶薩

七

行般若波羅蜜通達如是甚深法性大王菩薩摩訶薩善能通達世諦衆法雖說諸色而非實有推求此色終不取著受想行識亦復如是雖說地大而非真實推求地大終不取著水火風空識亦復如是雖說眼入而非真實推求眼入終不取著耳鼻舌身意亦復如是雖復說我而非真實推求覓我終不取著衆生命養育人作者壽者知者見者亦復如是雖說世間而非真實推求世間終不取著雖說世法而非真實推求世法終不取著雖說佛法而非真實推求佛法終不取著雖說菩提而非真實推求菩提終不取著大王凡

有言說名為世諦此非真實若非世諦第一義諦則不可說菩薩摩訶薩行般若波羅蜜通達世諦不違第一義諦即通達之知法無生無滅無壞無此無彼悉離語言文字戲論大王第一義者離言寂靜聖智境界無變壞法若佛出世若不出世性相常住是名菩薩

通達第一義諦尔時勝天王白佛言世尊若一切諸法不生不滅自性空離云何有佛出世及轉法輪云何菩薩於無生法而見有生佛告勝天王言大王法不滅故不生何以故性不變異故但以世諦因緣見有生滅皆是虛妄非真實有菩薩摩訶薩行般若波羅蜜善巧方便見因緣法即知世諦悉空無有不見堅實似有如影如炎響幻不安搖動從因緣生菩薩摩訶薩以般若波羅蜜觀諸法空乃至從因緣生作是思惟此等諸法令見有生有住有滅何因緣生何因緣滅即作是知無明因緣故生諸行依行生識識生名色名

色生六入六入生觸觸生受故凡夫起愛渴愛生取以因取故則相續有由有故生生則有老老故有死憂悲苦惱是故修行為斷無明無明若斷餘十一分則亦復滅譬如人身若斷命根餘根麻用大王邪見外道為求解脫但欲斷死不知斷生若法不生則無有滅

羽林卷三

八

譬如有人塊擲師子師子逐人而塊自息菩薩亦尔但斷其生死而自滅犬唯逐塊不知逐人塊終不息外道亦尔不知斷生終不離死大王菩薩摩訶薩如是行般若波羅蜜善知因緣諸法生滅大王菩薩摩訶薩行般若波羅蜜知緣生法空無實有不起我慢若生婆羅門刹利居士長者之家不起二慢尊貴豪富若生貧賤自知宿業不甚清淨得報下劣心起貳離即求出家作是思惟如我此身雜業所得更修淨業令自清淨使他亦尔自既求度亦復度他自求脫離亦解他縛以是因緣即生精進不墮懈怠障道惡法皆為斷

除助道善法悉應增長勤修精進作是思惟
我負重擔應當自滅一切煩惱度脫衆生不得懈怠菩薩摩訶薩行般若波羅蜜親近師僧多聞寡聞有知無知持戒破戒但生佛想恭敬同學思惟我今依師學習修善未滿令滿足煩惱未盡斷之令盡擁護善法捨離

不善一切種智憐愍世間大悲福田寂靜天人師是我大師善得吉利一切天人皆事法王以爲大師菩薩摩訶薩行般若波羅蜜作是思惟佛說淨戒設爲身命亦不毀犯如世尊說隨順佛教即供養佛若婆羅門刹利居士長者種種飲食信心施與如法受用不令

別解卷三

九

彼人空法果報食者施者俱得利益婆羅門刹利居士長者以沙門名而召菩薩作福田想菩薩應當如理如量修行正法即令顯現沙門功德福田功德菩薩如是自行化他不曾休廢菩薩摩訶薩行般若波羅蜜如是修行則能隨順一切世間見瞋恚者生下劣心

見高慢人起無我想見邪曲人起正直想見妄語人起如實言於惡口人常說愛語見剛強者示現柔和見礮毒人則行慈忍見邪法人則生大慈見苦衆生則起大悲見慳嫉人則行布施大王菩薩摩訶薩行般若波羅蜜如是隨順世智生淨佛國何以故持戒無數

離諸雜穢修平等心於衆生所具大善根不著名利清淨之信無所望報勤行精進不生懈怠修諸禪定離散亂法以微妙慧而習多聞諸根不缺具足利智常修大慈遠離瞋惱以是因緣生淨佛國尔時勝天王白佛言世尊如佛所說修戒等法生佛國土爲備修行

一行亦生佛告勝天王言大王若有菩薩摩訶薩於前所說種種法中淨修一行即備衆法如是一行得生淨土何以故一一行中具衆行故大王菩薩摩訶薩行般若波羅蜜如是得生淨土不爲胎汗何以故菩薩摩訶薩造作佛像修葺伽藍如來塔前香泥塗地燒

香供養或以香湯浴洗佛像於伽藍內掃灑
況塗菩薩摩訶薩供養瞻省父母之身師僧
同學及諸沙門以平等心皆悉供養迴此善
根爲一切衆生迴向阿耨多羅三藐三菩提
令得清淨菩薩摩訶薩如是行般若波羅蜜
即得離俗何以故心無取著不染朋黨背諸

境界遠離愛緣境界不染世尊說戒如實修
行少欲知足隨宜四事趣足過時心常怖畏
樂寂靜離大王如是菩薩摩訶薩行般若波
羅蜜不着俗法即得淨命無偽威儀口意欺
詐於施主前終不詐偽現身威儀安祥徐步
視前六尺若背檀越即便縱誕於施主前不

羽林天王三

十

爲利養下聲細語輒美之言順彼意語若背
檀越則便自縱見他行施口言不用心實欲
須如是名爲內心熱惱口現少欲心貪利養
大王菩薩摩訶薩行般若波羅蜜悉無此偽
離求利相若見檀越不得發言三衣弊壞鉢
器闕無或須湯藥於施主前不得發言某甲

檀越施我此物彼人謂我持戒多聞大悲心
淨雖余讚嘆我無此德唯當修行報施主恩
菩薩摩訶薩不應如是自讚毀他隨順白衣
而求利養若施餘人勿生瞋惱不作謔曲而
以取財不許親善害他取物不爲他人戲弄
取財檀越擬施或讚嘆人若說法者或擬大

衆或復未擬或施未浹菩薩不得入中取分
若受施財不應執着此是我有此是我物即
當迴施沙門師僧父母及餘貧乏平等受用
若財物盡不以生憂少日不得心無苦惱大
王菩薩摩訶薩受施迴與二俱清淨行清淨
故心不疲勞何以故菩薩摩訶薩行般若波

羅蜜爲利衆生久處生死而不厭患若有魔
事衆苦逼切心無轉退若人欲行二乘之道
即爲說法不憚疲勞菩薩自修助菩提法無
有厭勸大王菩薩摩訶薩行般若波羅蜜如
是精進則能隨順佛正教行何以故菩薩摩
訶薩行般若波羅蜜離諸放逸心常謹慎善

羽林天王三

十一

攝自身不作諸惡不善之法口意亦余菩薩
摩訶薩行般若波羅蜜雖處現在恒懼未來
一切諸惡不善之法斷之不生言必附理常
說法教非法不言悉棄穢業純修淨行不毀
佛教遠離煩惱不淨之法是名擁護如來正
教一切諸惡不善之法悉斷離之大王菩薩

摩訶薩行般若波羅蜜如是隨順佛清淨教
視諸衆生面門先笑曾無嚙蹙所以然者心
離穢濁諸根清淨不染離垢心不瞋恚內無
恨結菩薩摩訶薩如是行般若波羅蜜即得
多聞觀察生死能如實知欲火熾然瞋火焚
燒愚癡之火常所迷亂亦如實知有為無常
一切行苦諸法無我世間衆生耽着戲論一
切法中唯有涅槃乃為寂靜若聞他說即思
惟義傳以授人發大慈悲起堅固意若不聞
法則無思修是故聞慧猶如字本一切智慧
因之而生既得多聞則護正法大王未來之
世正法滅時其有衆生樂勤修行不值法炬

無人為說甚深之法尔時菩薩即為演說甚
深妙法所謂般若波羅蜜令諸衆生得戒定
慧又讚之言善男子如是末世正法滅時汝
等能發菩薩之心求阿耨多羅三藐三菩提
利益衆生此般若波羅蜜三世諸佛之所行
者汝若勤修則去阿耨多羅三藐三菩提不
遠何以故般若波羅蜜不離菩提譬如有人
種穀已秀當知收穫必在不久菩薩亦余求
阿耨多羅三藐三菩提得聞般若波羅蜜當
知決定去佛不遠大王若善男子善女人捨
離般若波羅蜜更依餘法求阿耨多羅三藐
三菩提無有是處猶如王子捨其父王更就
餘人求為太子決不可得菩薩亦余求薩婆
若必因般若波羅蜜得譬如犢子若欲須乳
必依其母若就餘牛則不可得大王菩薩摩
訶薩親近般若波羅蜜常為法王子相莊嚴
身以好為華嚴飾身相諸根不歛如來行處
常所遊行所行之道隨佛如來所覺而覺救

護世間苦惱衆生善能通達佛所說教常修
梵行守護如來薩婆若城大王菩薩摩訶薩
行般若波羅蜜爲法王子釋梵護世之所尊
重何以故行菩薩道阿鞞跋致一切諸魔所
不能動安住佛法通達一切空平等理不信
外緣如是安住佛法智慧不與聲聞辟支佛

共超過世間住無生法忍大王菩薩摩訶薩
行般若波羅蜜能如實知一切衆心貪欲瞋
癡上中下品亦如實知善心堅固心如實知
已各各爲說諸對治法如是則能善化衆生
菩薩摩訶薩行般若波羅蜜若有衆生應見
佛身受化度者菩薩摩訶薩即現佛身而爲
說法應以菩薩身化度者現菩薩身應以辟
支佛身而受化者即現辟支佛身應以聲聞
身受教化者即現聲聞身應以帝釋梵王婆
羅門刹利長者居士身受教化者皆爲示現
而度脫之大王菩薩摩訶薩如是行般若波
羅蜜教化衆生菩薩摩訶薩行般若波羅蜜

心性慈和正直軟善無諸諂曲嫉妬垢穢心
常清淨言語不麁遠離惡口多行忍辱親狎
衆生大王菩薩摩訶薩如是行般若波羅蜜
則在處安樂所以然者具足正見及清淨見
清淨之行所行境界與心相應若心相違惡
不善法如是境界及染穢處斯則不行菩薩

利勝天王三

主

摩訶薩行般若波羅蜜見同學人心生歡喜
若財若法與他共用唯行一道所謂佛道唯
佛爲師不尊餘人大王菩薩摩訶薩行般若
波羅蜜如是在處安樂具諸攝法而攝衆生
以利益施安樂施無盡施攝取衆生利益語
有義語如法語不異語攝取衆生以財利益
平等身利益平等命利益平等資具利益平
等攝取衆生大王利益施者即是法施安樂
施者即資生施無盡施者即示現道利益語
者令彼生善有義語者令彼見理如法語者
隨順佛教不異語者說如實法財利益平等
者可食可噉可飲可嚘可舐及衣服等身利

益平等者如以攝衛利益己身令他亦尔命利益平等者真珠琉璃珊瑚瑪瑙名為外命資具利益平等者象馬車乘一切淨財菩薩摩訶薩行般若波羅蜜自行與他皆悉共同大王菩薩摩訶薩行般若波羅蜜受生端正常能修習寂靜威儀不偽威儀清淨威儀人

所樂見内外溫善觀者無狀能悅人意一切衆生之所愛重其有見者皆發善心瞋恚者見心即得解大王菩薩摩訶薩行般若波羅蜜如是端正則堪依止守護衆生令煩惱滅能將衆生出離生死無邊曠野能度衆生世間險難為無眷屬而作親友為煩惱疾而作良醫無救護者為之救護無歸依者為作歸依無明衆生為作法炬菩薩摩訶薩行般若波羅蜜為諸衆生而作依止治諸疾病如藥樹王譬如善見大樹根莖枝葉華菓色香味觸悉為衆生療治衆病大王菩薩摩訶薩行般若波羅蜜亦復如是從初發心為諸衆生

治種種疾諸煩惱病菩薩摩訶薩功德智慧有疾病者見聞皆差菩薩摩訶薩行般若波羅蜜常與功德相應隨力所堪供養三寶若有疾病即施湯藥若見飢渴即施食飲若見寒凍即施衣服師僧和上盡心承奉同學法人合掌恭敬造立伽藍布施田園時時隨有

舍林天王三

市

捨與衆僧下使緣役如法料理聞有名德沙門婆羅門修道行者時時往詣大王菩薩摩訶薩行般若波羅蜜能生諸善有巧方便教化衆生於此佛國身不移動而遊無量諸佛世界詣問正法於此佛國身不移動而遊無量諸佛世界聽受正法於此佛土身不移動示現無量諸佛國土供養如來於此佛土身不移動而遊無量諸佛世界成就無上菩提資糧於此佛土身不移動而遊無量諸佛世界若有菩薩成佛道者供養恭敬於此佛土身不移動無量世界示現成道於此佛土身不移動無量佛國現轉法輪於此佛土身不

移動無量佛國示現涅槃於此佛土身不移動無量佛國應得度者爲示化身皆悉令見亦無分別有所作意爾時勝天王白佛言世尊云何菩薩摩訶薩作種種化無分別心佛告勝天王言大王譬如日月照四天下而無分別我照天下爲作光明衆生業報自感日月光照天下菩薩摩訶薩行般若波羅蜜亦復如是雖現化身而無分別何以故衆生各有宿世善業菩薩摩訶薩昔從因地修行發願爲度衆生以此願力隨其所念皆悉應現無分別心大王菩薩摩訶薩行般若波羅蜜如是方便善巧教化速向阿耨多羅三藐三菩提何以故菩薩摩訶薩行檀具足持戒清淨無穿缺雜戒聚清淨過諸聲聞辟支佛境具足忍辱精進禪定般若方便願力智如來世尊不共功德一切具足已過聲聞辟支佛地大王菩薩初地乃至十地行般若波羅蜜修如是行得阿耨多羅三藐三菩提說是法

釋天王三

十五

門時衆中二萬天子得遠塵離垢法眼淨三萬菩薩摩訶薩得無生法忍八万四千天人發阿耨多羅三藐三菩提心無量百千億乾闥婆緊那羅皆悉合掌讚嘆如來繞耆闍崛山無量百千億夜叉衆雨諸蓮華遶耆闍崛山十方無量恒河沙世界菩薩來集讚歎如意來世尊快說甚深般若波羅蜜爲諸菩薩世尊因此般若波羅蜜得有人天須陀洹向須陀洹果乃至阿羅漢向阿羅漢果辟支佛道菩薩十地十波羅蜜如來十力四無所畏十八不共法一切種智從般若波羅蜜中出世尊譬如世間一切衆生悉依虛空而空無依般若波羅蜜亦復如是一切法本而自無依願令我等於未來世爲諸菩薩摩訶薩說般若波羅蜜如今佛說又以種種香華散如來上尔時耆闍崛山天神及餘集者空中讚言我等憶念過去之世無量諸佛於此耆闍崛山中說是般若波羅蜜法亦如今日尔時

勝天王白佛言世尊空中諸天云何得知如來境界久遠之世佛說是般若波羅蜜事佛言大王此諸天等皆住不可思議解脫是故能知過去遠事大王我昔爲菩薩時亦經生彼天神之道見無量佛成道說法乃至涅槃我常讚歎合掌礼拜何以故彼天神道壽命

長故余時衆中有一天子名曰光德即從座起偏袒右肩右膝着地合掌向佛頭面作禮白佛言世尊諸佛菩薩應遊淨土娑婆世界是不清淨云何世尊出現此土余時佛告光德天子諸佛如來所居之處無有穢土於是世尊即以神力現此三千大千世界地平如

羽勝天王三

掌琉璃所成無諸山陵阜墻荆棘處處寶聚香華軟草流泉浴池八功德水七寶階砌樹木華菓咸說菩薩不退法輪無有凡夫唯見十方諸大菩薩不聞餘音唯聞般若波羅蜜聲處處蓮華大如車輪青紅赤白一一華中皆有菩薩結跏趺坐即見如來於大衆中爲

諸菩薩說甚深法無量百千釋梵護世前後圍遶供養恭敬尊重讚歎希有世尊希有世尊所說無虛真實不二如世尊說諸佛住處實無穢土衆生薄福而見不淨世尊若有善男子善女人得聞般若波羅蜜名字甚爲希有況復書寫受持讀誦爲他演說佛言若善

男子善女人無量百千劫以無礙心施他財物若復有人以淨信心書寫此經傳授與人功德多彼何以故財施有竭法施無盡何以故施財但能得世間果若人若天昔已曾得得已墮落今還復得若以法施昔未曾得今始能得所謂涅槃若三千大千世界一切衆生有人教化悉令安住十善道中若善男子善女人以淨信心受持讀誦般若波羅蜜爲他人說功德勝彼何以故一切善法皆從般若波羅蜜生故若三千大千世界一切衆生有人教化皆得須陀洹斯陀含阿那含阿羅漢果辟支佛道若復有人信心受持讀誦書

羽勝天王三

寫般若波羅蜜功德勝彼何以故聲聞辟支

佛法皆從般若波羅蜜中生一切菩薩摩訶

薩法皆從般若波羅蜜中生因此般若波羅

蜜故有佛出世般若波羅蜜所在之處當知即是菩提道場轉法輪處應念此處即我大師如來應供正遍知處在此中何以故一切

諸佛皆從般若波羅蜜生故若人供養如來形像不如供養般若波羅蜜何以故三世諸佛皆因般若波羅蜜生故

延聖院比丘清滿書

勝天王般若波羅蜜經卷第三

羽三

鞞跋致步迷反阿鞞跋致謂不退地 鞍許救

塊傾對反

憇土反

毒上七感反縱誕下子用反戲杼下弄憚疾也反耽丁舍反收穫下胡郭反犧子上讀牛數音溯差音差羣音羣役音役前料理上音阜堵上音婦下上荆棘京上音反

勝天王般若波羅蜜經卷第四 羽四

陳優禪尼國王子月婆首那譯

勝天王般若波羅蜜經平等品第六

尔時勝天王即從座起偏袒右肩右膝着地向佛合掌頭面作禮而白佛言世尊如佛所說法性平等何者是平等等何法故名爲平

等佛告勝天王言大王等觀諸法不生不滅自性寂靜名爲平等一切煩惱虛妄分別不生不滅自性寂靜名爲平等名相妄想不生不滅自性寂靜名爲平等滅諸顛倒不起攀緣名爲平等能緣心滅無明有愛即皆寂靜癡愛滅故不起我我所名爲平等我我所滅名色寂靜名爲平等名色滅故邊見不生名爲平等滅斷常故身見寂靜名爲平等大王能取所取一切煩惱障善法者依身見生菩薩摩訶薩能滅身見一切諸使皆悉寂靜作願亦息譬如大樹拔除根株枝條枯死如人無首命根即絕一切煩惱亦復如是若斷身